

四庫全書

集部

欽定四庫全書

文苑英華卷三百三十

宋 李昉等 編

禽獸三

蟲魚

蟬二十二首

促織二首

蜘蛛一首

馬三十三首

猿三首

鶴一首

魚四首

龜一首

蟬

詠蟬

褚 澄

避雀喬

類聚
作芳

枝裏飛空華殿曲天寒響屢嘶日暮聲逾

速

類聚
促繁
吟如欲盡長韻還相續飲露非表清輕身易

知足

後堂聽蟬

蕭子範

試逐微風遠聊隨夏葉繁輕飛避楚雀飲露入吳園流
音繞蘋藿餘響切高軒借問邊城客傷情寧可言

同陸廷尉驚早蟬

沈君攸

日暮野風生林蟬候節鳴望枝疑數處尋空定一聲地
幽吟不斷葉動噪羣驚獨有河陽令偏嫌秋翅輕

賦得新題寒樹晚蟬疎

張正見

寒蟬噪楊柳應朔吹朔聚作
吹犯梧桐葉迴飛難住枝殘影
共空聲疎飲露後唱絕小園斷絃聚作中還因搖落處寂
寞盡秋風

賦得秋蟬唱柳應衡陽王教 前人

秋氣爽遙天園柳集裏某作驚蟬競噪長枝裏爭飛落葉

前風高知響急樹近覺聲連長楊流唱盡詎識蔡邕絃

在獄詠蟬

駱賓王

西陸蟬聲唱南冠客思侵那堪玄鬢影來對白頭吟露
重飛難進風多響易沉無人信高潔誰為表清心集作予心

始聞夏蟬

韋應物

徂夏暑未晏鳴蟬集作蝉鳴景已曛一聽知何處高樹但侵

雲響悲遇哀歎節謝屬離羣還憶郊園日獨向此集作潤

中聞

新蟬

耿 潤

今朝蟬忽鳴遷客若為情便覺一年謝能令萬感生微

風方滿樹落日

集作葉
獨詩

稍沉城為間同懷者淒涼聽幾聲

新蟬酬劉夢得見寄

白居易

開緘思浩然間

集作葉
獨詩

詠晚風前人貌非昨

集作葉
前

日蟬聲

似去年槐花新雨地柳影欲秋天聽罷無他計相思又

一篇

聞蟬寄賈島

姚 合

秋來吟更苦

集作未秋
吟更苦

半咽半隨風禪客嫌心

集作心應亂

遊人顧耳

集作耳顧

聲雨晴高樹裏日晚古城中遠思應難

盡誰當與我同

客中聞早蟬

于武陵

江頭一聲起芳歲已難留聽此高林上遙知故國秋應
催風落葉似勸客回舟不是新蟬苦年年自可愁

病蟬

賈島

病蟬飛不得向我掌中行折翼猶能薄酸吟尚極清露

華凝在腹塵點誤侵睛黃雀兼鳶鳥俱懷害爾情

風蟬

前人

風蟬旦夕鳴伴葉送新聲故里客歸盡水邊身獨行噪
軒高樹合驚枕暮山橫聽處無人見塵埃滿飄生

早蟬

薛能

不見上庭樹日高聲忽吟他人豈無耳遠客自關心暫
落還因雨橫飛亦向林分明去年意從此漸聞砧

聽蟬

趙嘏

噪蟬聲亂日初曛絃管樓中水不聞爭

詩選作獨

奈愁人數

莖鬢

詩選作髮

故園秋隔五湖雲

蟬

雍陶

高樹蟬聲入晚雲不唯愁我亦愁君何時各得身

類詩作心

無事每到聞時似不聞

蟬

張喬

先秋蟬一悲長是客行時曾感去年者又鳴何處枝細聽殘韻在廻望舊聲遲斷續誰家樹涼風送別離

蟬

許棠

造化全微物，偏宜應候名。
初離何處樹，又發去年聲。
驕屑隨風遠，悠揚類葉輕。
報秋涼漸至，嘶夜思偏清。
默守疑相答，微搖似欲行。
繁音人已厭，朽殼蟻猶爭。
朝士嚴冠飾，宮嬪逞鬢名。
亂依西月噪，多引北歸情。
篠露凝潛吸，蛛絲迸忽縈。
此時吟立久，萬緒一時生。

蟬

集作聽新
蟬寄張畫

方干

細聲頻斷續，審聽亦難分。
鬢髮應移處，從容却不同。
蘭

棲朝咽露樹隱暝吟雲若

集作莫

遣鄉愁起吾懷只是

集作

似君

蟬

羅鄴

纏入新秋百感生就中蟬噪最堪驚能催時節凋雙鬢

愁到

類詩對

江山聽一聲不傍管絃拘醉態偏依楊柳撓

類詩作引離情故園聞處猶惆悵況是經年萬里行

蟬

羅隱

天地工夫一不遺與君聲調借君綾風栖露飽今如此

應忘當年萍濁時

夜蟬

唐彥謙

翠竹高梧夾後溪。勁風危露雨淒淒。那知北牖殘燈暗。
又送西樓片月低。清夜更長應未已。遠煙尋斷莫頻嘶。
羈人此夕如三歲。不整寒衾待曙鶴。

促織

杜甫

促織甚微細。哀聲何動人。草根吟不穩。床下夜相親。
久客得無淚。放集作故妻難及。晨悲絲集作絃與急管。感激異。

天真

同前

張喬

念爾無機自有情迎寒辛苦弄梭聲椒房金屋何曾織
偏向貧家辟下鳴

蜘蛛

孟郊

萬類皆有性各稟天和蠶身為爾集作與汝身爾身何大
訛蠶身不為已爾心身集作不為他蠶絲為衣裳爾絲為
網羅濟物既無功害物日已多百蟲雖有集作恨其將

奈爾何

馬

西齋行馬

梁簡文帝

晨風白金絡桃花紫玉珂影斜鞭照耀塵起足蹉跎任
俠稱六輔輕薄出三河風吹鳳凰袖日映織成乾遠江
艤舳少遙山煙霧多雲開瑪瑙華類聚
作某水淨琉璃波廣
路拂青柳回堂繞碧莎不効孫吳術寧湏趙李過

繫馬

前人

青驪流赭汗綠駢懸花蹄未垂青靉尾猶掛紫障泥蹀
足靽中憤搖頭榧上嘶紫闕如未息直去取榆溪

賦詠登山馬

梁武帝

登山馬逕小逕小馬終通汗赭趨沾勒衣香不逐風何
殊龍頭望遙識祁連東

後園看騎馬

同前

良馬出蘭池連翩驅桂枝鳴珂隨踢駛輕塵逐影移香
來知驟近汗欲覺風吹遙望黃金絡懸識幽并兒

賦得馬

劉刪

獨飲臨寒窟離羣思北風陳王欲觀儻御史自隨驄邊
聲墮客淚果下益桃紅恒持沛父影解向平陵東

賦得邊馬有歸心

沈炯

窮秋邊馬肥向塞甚思歸連鏪渡蒲海東舌下金徽已
却魚麗陣將摧鶴翼圍彌憶長楸道金鞍類聚作鞬背落暉

登山馬

梁簡文帝

登山馬間樹玉勒黃金裝草合宜驚短影轉見鞭長何

殊八公岫颸上淮南王

詠馬

楊師道

寶馬權奇出未央
駒鞍照曜紫金裝
春草初生馳上苑
秋風欲動戲長楊
鳴珂屢度章臺側
細蹀輕向濯龍傍
徒令漢將連年去
究城今已戰

初學記作獻
名王

病馬

杜甫

乘汝商集作亦已久
天寒關塞深塵中
老盡力歲晚病傷
心毛骨豈殊衆
馴良猶至今
物微意不淺
感激集作動

一

沉吟

英華題杜甫病馬詩一首總目同第一篇致此自僻遠又非珠玉裝如何有奇怪每夜吐光芒虎氣

必勝上龍身寧久藏風塵若未息持汝奉明王按本集乃蓄劖詩玩詞意亦然其病馬只是一首當時誤編

羽林騎

韓翃

駿馬牽來御柳中鳴鞭欲過渭橋東紅蹄亂踏春城雪

花領頻嘶上苑風

觀調馬

前人

駕鷔赭白齒新齊晚日花中散碧蹄玉勒乍回初噴沫
金鞭欲下不成嘶

奉和劉祭酒傷白馬

此馬勒賜車王轉贈祭酒

嚴維

沛艾如龍馬來從上苑中棣華恩見賜伯舅禮仍崇鏡
點黃金眼花開白雪驥性柔君子德足逆大王風色照
鳴珂淨聲連噴玉雄食場恩未盡過隙命旋終練影依
雲沒銀鞍向月空仍聞樂府唱猶念代勞功

詠老馬

沈炯

昔日從戎陣流汗幾東西一日馳千里三丈拔深溪渡

水頻傷骨翻霜屢損蹄勿言年齒暮尋途尚不迷

詠飲馬

唐太宗

駿骨飲長涇奔流洒絡纓細紋連噴聚亂行繞蹄紫水

光鞍上側馬影溜集作流中橫翻似天池裏騰波龍種生

詠飲馬應詔

楊師道

清晨控龍馬美影出花林蹀蹀依春澗瞬翩渡碧澑苔
流染絲絡水潔寫雕簪一御瑤池駕詎憶長城陰

蒙裴相公集作司空賜馬謹以詩謝

張籍

綠耳新駒已有

集作駿

名司空自選

集作遠

自選

集作寄

書生遠

集作乍

寄書生遠

集作乍

離華廡移蹄澁初到貧家

集作尋

眼驚每見閒人多被

集作來

借

問唯

集作多

尋古寺

獨騎行思量

集作幾

夜

集作長

沙堤上得

從鳴珂倚

集作傍

火城

酬張秘書因寄馬贈詩

裴度

滿城馳逐皆求馬古寺閒行獨與君代步本慚非逸足
緣情何幸枉高文若逢佳麗從

集作湏

將換莫共駕駘角

出羣飛控着鞭能顧我當時王粲亦從軍

和前

李絳

高才名價欲凌雲上駟光華遠贈君念舊露垂丞相簡
感知星動客卿文縱橫逸氣寧稱力馳騁長途定出羣
伏櫪莫令空度歲黃金結束取功勲

同前

集作和張十八秘
書得裴司空馬毛

韓愈

司空遠寄養初成彩集作毛色桃花眼鏡明落日已曾交
轡語春風還擬並鞍行長令奴僕知饑渴須着賢良待

性情旦夕公歸申

集作仲

拜謝免勞騎去

雜詠云古寺司空詩云古寺行獨與君

逐雙旌

同前

張賈

閣下從容舊客卿寄來駿馬賞高情
司空詩云古寺行獨與君任
追煙景騎仍醉知有文章倚便成步步自憐春日影蕭
蕭猶起朔風聲湏知上宰吹噓意送入天門上路行

同前

元稹

丞相功高厭武名牽將戰馬寄儒生四蹄苟距藏雖盡
六尺鬚頭見尚驚減粟偷兒憎未飽騎驢詩客罵先行

勸君還却司空着莫遣衙參傍子城

同前

白居易

齒齊膾足毛頭膩秘閣張家其作郎叱撥駒洗了領花翻
假錦走時蹄汙連真珠青衫乍見曾驚否紅粟難賒得
飽無丞相寄來應有意遣君騎去上雲衢

同前

其作裴相公大學士見示答張秘書謝馬詩并羣公屬和因命追作

劉禹錫

草玄門戶少塵埃丞相并州寄馬來初自塞垣啞苜蓿

忽行幽徑破莓苔尋花緩轡威遲去帶酒垂鞭蹀躞廻
不與王侯與詞客知輕富貴重清才

駕驥吟

韓愈

駕駘誠齷齪市者何其稠力小苦易制價微良易酬渴
飲一斗水饑食一束芻嘶鳴當大路志氣若有餘騏驥
生絕域自矜無匹儔牽驅集作牽驅入市門行者不為留借
問價幾何黃金比崇集作高丘借問行幾何咫尺視九州
饑食玉山禾渴飲醴泉流問誰能為御曠世不可求唯

昔穆天子乘之極遐遊王良執其轡造父夾

集作挾

其輶

因言天外事恍惚使人愁駕駘謂驥驥餓死余爾羞有
能必見用有德必見收孰云時與命通塞皆自由驥驥
不敢言徘徊但垂頭人皆劣驥驥共以駕駘優喟子獨
興嘆才命不同謀寄詩同心子為我商聲謳

答韓十八駕驥吟

歐陽詹

故人舒其憤昨示駕驥篇駕以集作取易售陳驥以難知
言委曲感既深溶嗟詞亦殷伊情有遠瀾余志遜其源

室在周孔堂道通堯舜門調雅聲寡同途遐勢難翻顧
茲萬恨來假彼二物云賤貴而貴賤世人良共然巴

集作

芭蕉一葉妖蕤葵一花妍畢

集作異

無才實資手植培墀

前梗柟十圍瑰松栢百尺堅罔念梁棟功野長丘墟邊

傷哉昌黎韓馬得不述遭上帝本厚生大君方建元寶

一作實將庇羣甿庶此規崇軒班爾圖永安倫擇期精專

君看廣廈中豈有樹庭

集作庭前

有小白馬乘馭多時奉使東行至稠桑驛溘然

而斃足可驚傷不能忘情題二十韻·

白居易

能驟復能馳翩翩白馬兒毛寒一團雪驥薄萬條絲皂
蓋春行日驪駒曉從時雙旌前獨步五馬內偏騎芳草
承蹄葉垂楊拂頂枝跨將迎好客惜不換妖姬慢控遊
蕭寺閒驅醉習池睡來乘作夢興發倚成詩鞭為馴難
下鞍緣穩不離北歸還共到東使亦相隨赭白何曾變
玄黃豈得知嘶風覺聲急踏雪怪行遲昨夜猶芻秣今

朝尚繫維卧槽應不起
顧主遂長辭塵滅駿駿跡霜留皎皎姿度闊形未改
過隙影難追念倍燕求駿情深項別駢銀收鉤臆帶金卸絡頭羈何處埋奇骨誰家覓敝帷稠桑驛門外吟罷涕雙垂

病馬五首

曹唐

騾駒

一作綠耳

何年到渥洼

到一作別

病來顏色半塵沙四蹄不

鑿金

一作銀

砧裂雙眼慵開玉筋斜墮月兔毛乾殼觫一

輕殼

失雲龍骨瘦查牙

一作牙槎

平原好故無人放嘶向秋

風首宿花

二

壠上沙葱葉正齊，騰黃猶自跕羸蹄。尾蟠夜雨紅絲脆，頭掉秋風白練低。

力憊未思金絡腦，影寒空望錦障泥。

又玄集作增前莫
錯雙垂耳不遇孫

陽不敢嘶

用嘶
陽不

三

唐宋類詩指此
篇為曹松作

不剪焦毛鬢半皤，何人別

集作識

是古龍孫風吹

一作雪侵

病

骨無驕氣土蝕驄花見卧痕未噴斷

一作得噴

雲歸漢苑曾

追輕

一作已
曾飛

練過吳門一朝千里心猶在爭

一作誰

肯潛

忘

一作施

秣飼恩

一作皆唐宋詩類

四

空被秋風吹病毛無因濯浪刷洪濤卧來揔怪龍蹄距
瘦盡誰驚虎口高追電有心猶歎殺逢人相骨強嘶號
欲將鬃鬚重裁剪乞借新成利鉸刀

五

病久無人着意看玉華彩毛疑作色欲凋殘飲驚白露泉
花冷喫怕清風豆葉寒長襟敢辭紅錦重舊韁寧畏紫
絲蟠王良若許相攢策千里追風也不難

馬

陳凝

未明龍骨駿幸得到神州自有千金價寧忘伯樂酬雖
知殊歎段莫敢比驛驅若遇追風便當軒一舉頭

浴馬

喻亮

解控復收鞭長津動細漣空蹄沉綠玉潤臆浸連錢沫

璇橋聲下纏盤柳影邊常聞稟龍性固與白波便

八駿圖

羅隱

穆滿當年物外程電腰風脚一何輕如今縱有驛鶻在
不得長鞭不肯行

猿

詠夜猿啼

蕭詮

桂月影才通猿啼迴入風隔巖還嘯侶臨潭自響空掛
藤疑取飲吟枝似避弓別有三聲淚霑裳竟不窮

放猿

許渾

慙慚解金鎖別

雜詠作昨

夜雨淒淒山淺憶巫峽水寒思建

溪每尋紅樹宿深向

類詩作昨

入白雲啼好去長江路

類詩作好見來

時路又作好 煙蘿更莫

類詩作莫自

迷

巴江夜猿

馬戴

日飲巴江水還啼巴岸邊秋聲巫雨斷夜影楚雲連雪
滴青楓樹山空明月天誰知泊帆者聽此不能眠

獮

有獮吟

劉禹錫

有獮得嘉魚，自謂天見憐。
先祭不敢食，捧鱗望青玄。
人立寒沙上，心專眼悄悄。
集作短
看肩漁翁以為妖，舉塊投其

咽。呼兒貰魚歸，與獮同烹煎。
闕闕黃金鷄，大翅搖江煙。
下見盈尋魚，投身擘洪漣。
攫擊隱嶙去，哺離林岳巔。
鷗鳥欲伺隙，遙噪莫敢前。
長居青雲路，彈射無由緣。
何地無江湖，何水無鮪鱠。
天意不宰割，非祭徒虔虔。
空餘知禮重，載在淹中篇。

魚

賦得魚躍水花生

張正見

漾色桃花水相望濯錦流躍浦疑珠出依池似鏡浮凌
波銜落藥觸餌避沉鉤方遊蓮葉外詎初學記
作恒入武王

舟

賦得蓮下遊魚

阮卓

春色映澄陂涵泳且相隨未上龍門路聊戲芙蓉池觸
浪蓮香動來流葉影披相忘自有樂莊惠豈能知

魚

岑德潤

劔影侵波合珠光帶水新蓮東自可戲安用上龍津

放魚

竇翬

黃金

雜錄作
金錢

贖得免刀痕聞道禽魚亦報

雜詠
作感

恩好去

長江千萬里不湏辛苦上龍門

龜

詠龜

趙宗儒

有靈堪作

初學記
作託

夢無心解自謀不能著下伏強從蓮

上浮初學記
作遊負圖非所冀、支牀空見留、儻蒙一曳尾當
為屢回頭



文苑英華卷三百三十

欽定四庫全書

集部

文苑英華卷三百三十一至三

詳校官太僕寺少卿臣李建欽
助教臣常循覆勘

總校官進士臣朱鈴

校對官中書臣王鍾泰

謄錄監生臣李濂

欽定四庫全書

文苑英華卷三百二十一 宋 李昉等 編

天

雪二首

雨六首

月五首

雲二首

霹靂一首

明河一首

四時

春三首

秋四首

冬三首

天

白雪歌

朱孝廉

凝雲凌霄漢從風驚

樂府作飛

且散聯翩避幽谷徘徊依井

幹既興楚客謠亦動周王歎所恨輕寒早不待春光旦

樂府作
春陽旦

瑞雪篇

劉廷琦

紫宸飛雪曉徘徊層閣重門雪照開九衢

晶晶一作耀

浮

埃盡千品羌池贊帛來何處田中非種玉誰家院裏不
生梅埋雲翳景無窮已因風落地吹還起先過翡翠寶

房中轉入鴛鴦金殿裏
美人含笑出聯翩艷逸輕相鬪
容止羅衣點着渾是花玉手搏來半成水
奕奕紛紛何所如
頓憶陽園二月初羞同班妾一作女
高秋扇欲照明
王乙夜書姑射山中符聖壽芙蓉闕下降仙一作神
車願垂睿澤流無限長報豐年貴有餘

此詩一百五十五卷重出前已削去注異同為一

作

秋雨嘆三首

杜甫

雨中百草秋爛死
墻下決明顏色鮮
着葉滿枝翠羽蓋
開花無數黃金錢
涼風蕭蕭吹汝急
恐汝後時難獨立
堂上書生空白頭
臨風三喚馨香泣

二

蘭風長

音伎一作蘭風伏雨飛

秋紛紛四海

一作萬里

八荒同一雲

去馬來牛不復辯
濁涇清渭何當分
禾頭生耳黍穗黑
農夫田父無消息
城中糾米抱

集換作

余稠相許寧論兩
相直

三

長安布衣無此數反鎖衡門守寰堵老夫不出長蓬蒿
稚子無憂走風雨雨聲颼颼催早寒湘鴈翅濕高飛難
秋來未曾集作省見白日泥汙后集作厚土何時乾

夜雨吟

集作歌

陸龜蒙

屋小茅乾雨聲大自疑身着蓑衣卧兼是集作似孤舟夜
泊時風吹折葦來相佐我有愁衿集作襟無可那纔成好
夢剛驚破背壁寒燈不及螢重桃却向燈前坐

和柯古窮居苦熱喜雨

韋蟾

貞機澹少思雅尚防多僻攬葛猶不畏疑勞形同處瘠

頭燋詎是焚背汗寧關炙方欣見潤礎那虞悲鑠石道
與古人期情難物外適幾懷朱邸綬頗曠金門籍清興
已蕭蕭陳柯將槭槭玉律詩調正瓊卮酒腸窄衣桁
中單浴床拋下綿黎侯寓於衛六義非凡格

秋霖歌

李流

西方龍兒口猶乳初解驅雲學行雨縱恣群陰駕老虬

勺水蹄涔盡奔注葉破苔黃未休滴膩光透長狂莎色
恨無長劍一千仞劃斷頑雲看晴碧

閒宵望月

前人

卷箔舒紅茵當軒翫明月懿哉深夜中靜聽歌初發苔
含殿華濕竹影蟾光潔轉扇來清風援琴飛白雪行愁
景候變坐恐流芳歇桂影有餘光蘭燈任將滅

拜新月

張夫人吉中
子妻

拜新月拜月出堂前暗魄初一作深籠桂虛芳未引弦拜

新月拜月粧樓上

一作未

安臺蛾眉已相向拜新

月拜月不勝情庭前風露清月臨人自老人望月

一作望月

更長生東家阿母亦拜月一拜一悲聲斷絕昔年拜月

逞容

一作儀

華如今拜月雙淚垂廻看衆女拜新月憶却

紅闌年少時

一作樂府皆

明月

李如璧

三五月華流炯光可憐懷歸郢路長逾江越漢津無梁
遙遙永夜思茫茫昭君失寵辭上宮娥眉嬪娟卧氊穹

胡人琵琶彈北風漢家音信絕南鴻昭君此時怨盡工
可憐明月光瞳朧節既秋兮天向寒沅有漪兮湘有瀾
沅湘糾合淼漫漫洛陽才子憶長安可憐明月復團圓
逐臣戀主心愈恪棄妾思君情不薄已悲芳歲徒淪落
復恐紅顏坐銷鑠可憐明月方照灼向影傾身比葵一作

藜藿

秋閨月

權德興

三五二八光一作月如練海上天涯人共見不知何處玉

樓前乍入深閨。瓊瑤筵露濃香逕。知愁坐。風動羅帷照。
獨眠初捲珠簾看。不足斜抱箜篌未成曲。稍映粧臺臨。
綺牕遙知不語淚雙雙。此時愁望知何極。萬里秋天同一色。
靄靄遙分陌上光。迢迢對此閨中憶。早晚歸來歡謔。同可憐。
歌吹明月中。此夜不堪腸斷絕。願隨流影到遼東。

洞庭秋月行

劉禹錫

洞庭秋月生湖心。層波萬頃如鎔金。孤輪徐轉光不定。

遊氣濛濛隔寒鏡是時白露三秋中湖平月上天地空

岳陽城頭暮角絕蕩漾已過君山東山一作孤城蒼蒼夜

寂寂水月遙迤遠城白蕩槧巴童歌竹枝連檣估客吹

羌笛勢高夜久陰力全爽氣蕭蕭開清蹕浮雲夜鳥歸

四裔首冠一作闢字星斗當中天天鷄相呼曙霞出倒影含

光讓朝日日出喧喧人不閒夜來晴景非人間

慶雲章

陳子昂

崑崙元氣寔生慶雲大人作矣五色氛集作氤昔在媯

帝集作
帝媯南風既薰叢芳

集作
芳

爛漫槭槭

集作
郁郁

紛紛曠矣

千祀慶雲來止玉葉金柯祚我天子非我天子慶雲誰昌非我聖母慶雲誰光慶雲光矣周道昌矣九萬八千

天授皇年

白雲歌寄陸中丞使君長源 譚皎然

一見西山雲使人情意遠意高登詠何遙迢道妙有如

君舒卷

一作如君
有卷舒

縈空疊景多麗容衆峯峯上自為峯

潔白不由陰雨積高明肯共雜煙同萬物有形皆有着

白雲有形無

一作
龍

繫縛黃金被礫玉亦瑕一片飄然汙

不着或逢天上或人間人自營營雲自閒忽爾飛來暫

為侶忽然飛去莫能攀逸民對雲效高致裨子逢雲增

道意白雲遇物無偏頗自是人心見同異閻闔天門宜

曙看華

一作
為

纓作蓋擁千官從龍合沓臨清署就日遙

迤繞露寒誰憐西山雲亭亭處幽絕座右長看非我羈

手中欲攬待君說貞白先生那得知解向山中自怡悅

霹靂引

辛德源

出地聲初奮乘乾威更作雲衝天笑明雨帶星精落碎
枕神無撓震楹書自若時聞明

樂府作側聞吟

白虎遠觀飛白

鶴樂府作遠見舞元鶴

明河篇

宋之間

八月涼風天氣晶萬里無雲河漢明昏見南樓清且淺
曉落西山縱復橫洛陽城闕天中起長河夜夜千門裏
複道連甍共蔽虧畫堂瓊戶特相宜雲母帳一作屏前初

泛濫

一作灑

水精簾外轉逶迤倬彼昭回如練白復出東

城接南陌南陌征夫

文粹作人

去不歸誰家今夜搗寒衣鴛

鴦機上疎螢度烏鵲橋邊一鴈飛

鴦飛螢度愁難歇稍

見星河

文粹作星見明河
又作坐見河傾

漸微沒已能舒卷任浮雲不

惜光輝流月明

文粹作讓流月

明河可望不可親願得乘槎一

問津更將織女支機石還訪成都賣卜人

四時

春日篇

梁元帝

春還春節美春日春風過春正

類聚作心

日日異春情處處

多處處春芳動日日春禽變春意春已繁春人春不見
不見懷春人徒望春光新春愁春自結春結詎能申欲
道春園趣復憶春時人春人意何在空爽上春期獨念
春花落還似惜春時

奉和湘東王春日篇

梁鮑泉

新燕始新歸新蝶復新飛新花滿新樹新月麗新輝新
光新氣早新望新盈抱新水新綠浮新禽新聽好新景
自新還新葉復新攀新枝雖可結新愁詎解顏新思獨

氛氲新知不可聞
新扇如新月
新蓋學新雲
新落連珠淚
新點石榴裙

春日行

李 白

深宮高樓入紫清
金作蛟龍繡作盤集作盤繡
白日絃將手語彈
鳴箏春風吹落君王耳
此曲乃是昇天行
因出天池泛蓬瀛
樓船蹙沓浪波驚
三千雙娥獻歌笑
撻鍾考鼓宮殿傾
萬姓聚歌舞太平
我無為人自寧
三十六帝欲相迎
仙人飄翩下雲輶
帝不去晉鎬京

安能為軒轅獨往入杳

集作
窅

冥小臣拜獻南山壽陛下

萬古垂鴻名

秋辭

後篇作秋氣搖落
見三百五十八卷

梁元帝

去秋行

杜甫

去秋涪江木落時臂蒼

集作
捨

走馬誰家兒到今不知白

骨處部曲有去皆無歸遂州城中漢節在遂州城外巴人稀戰場冤魂每夜哭空令野營猛士悲

秋日篇

見一百五
十八卷

鮑泉

秋來

李賀

桐風驚心志

集作壯

士苦衰燈絡緯啼寒素誰看青簡一

篇書不遣花蟲粉空蠹思牽今夜腸應直雨冷鄉

集作淚

魂弔書客秋墳鬼唱鮑家詩恨血千年土中碧

冬日傷志篇

邢子才

昔時惰遊士任性少矜裁朝驅瑪瑙勒夕銜熊耳杯折
花贈淇水撫琴望叢臺繁華宿昔改衰病一時來重以
三冬月愁雲聚復開天高日色淺林勁鳥鳴

類作聲

哀終

風激簷響

類聚
作宇

餘雪滿條枚遨遊昔宛洛踟蹰今草萊

時事方去矣撫已獨懷哉

初學記
作傷懷

冬夜吟

陳陶

黑帝天寒愁散玉東皇海上張仙燭侯家歌舞案梨園
石氏賓寮醉金谷魯家檐榆闈披水雪花燈下甘垂翅
散帙高編折桂枝披紗密甃青雲地霜白溪松轉斜蓋
銅龍喚曙咽聲細八埏螻蟻厭寒栖早晚青旗引春帝
展轉城烏啼紫天瞳矇千騎衙樓前

冬宵引

宋之間

河有冰兮山有雪北戶墐兮行人絕獨坐山中兮對松
月懷美人兮屢盈缺明月的的寒潭中青松幽幽吟勁
風此情不向俗人說愛而不見恨無窮

文苑英華卷三百三十一

欽定四庫全書

文苑英華卷三百三十二 宋 李昉等 編

仙道

華清詞二首

夢仙謠二首

懷仙歌一首

桃源行二首

龜頭山神女歌一首 馬明生遇仙女歌一首

天上謠一首

朝上清歌一首

漢武帝雜歌三首

王子喬行一首

玉華仙子歌一首

學仙難一首

元丹丘歌一首

仙人詞二首

謫仙詞一首

王母歌一首

華清詞

劉禹錫

日出驪山東徘徊照溫泉樓臺相

集作影

玲瓏稍稍開白

烟言昔太上皇常居此新年風中聞清樂往往來列仙
翠華入五雲紫氣歸上元哀哀生人淚泣盡弓劍前聖
道本自我凡情徒顚然小臣感元化一望青冥天

同前

顧雲

祥雲皓鶴盤碧空喬松稍稍韻微風絳節影來朱旛響
丁東相公清齋朝藥宮太上符籙龍蛇散花天女侍香
童隔烟遙望見雲水璈吹鳳清瓊丹砂黃金世可度
願啓一言告仙翁道門弟子山中客長向山中禮空碧
九色真龍上漢時願把霓幢引仙客一作
烟策

夢仙謠

李沈

海宮蹙浪收殘月掣壺掌事傳更歇銀蟾半墜恨流咽

六鰲披月撼蓬闕九炁真翁騎白犀臨池靜聽雌蛟啼
桂花浥露曙香冷八牕玉朗驚晨雞裁紗剪羅貼丹鳳
膩霞遠閑瑤山夢露乾欲醉芙蓉渠塘迴首驅雲朝正陽

同前

祝元膺

蟾蜍夜作青冥燭蟠蛻晴為碧落梯好箇分明上天路
誰教深入武陵溪

懷仙歌

李白

一鶴東飛過滄海放心散漫知何在仙人浩歌望我來

一作應攀玉樹長相待堯舜之事不足驚自餘囂囂真
秋集作直可輕巨鰲莫戴三山去我欲蓬萊頂上行

桃源行

王維

漁舟逐水愛山春兩岸桃花夾去一作古津坐着紅樹不知遠行盡清溪忽值不見人山口潛行始隈隩山開曠望旋平陸遙看一處攢雲樹近入千家散花竹樵客初傳漢姓名居人未改秦衣服居人共住武陵源還從物外起田園月明松下房櫳淨一作靜日出雲中雞犬喧忽

驚 一作聞俗客爭來集競引還家問都邑平明閣巷掃花

開薄暮漁樵乘水入初因避地去人間及至 一作成仙

去 遂 一作不還峽裏誰知有人事世中遙望空雲山不疑

靈境難聞見塵心未盡思鄉縣出洞無論隔山水辭家

終擬長遊衍自謂經過舊不迷安知岑 一作峯 壑今來變

當時只記入山深青溪幾度 一作幾回 到雲林春來遍是桃

花水不辨仙源何處尋

一作皆文粹

同前

前人

武陵川徑入幽遐中有雞犬秦人家家傍流水多桃花
桃花兩邊種來久流水一道何時有垂條落盡暗春風
夾岸芳菲至山口歲歲年年能寂寥林下青苔日為厚
時有仙鳥來銜花曾無世人此携手可憐不知若為名
君任一作往從之多所更古驛荒橋平路盡崩湍怪石小
溪行相見維舟登覽處紅堤綠岸宛然成多君此去從
仙隱令人晚節悔營營

龜頭山神女歌

韋應物

龜頭之山直上洞庭連青天蒼蒼煙樹閉古廟中有蛾眉成水仙水府沉沉行路絕蛟龍出沒無時節魂同魍魎潛太陰身與空山長不滅東晉永和今幾代雲髮素顏猶盼昧陰沉作深靈氣靜凝美的樂龍綃雜瓊珮山精木魅不敢親昏明響像如有人蕙蘭瓊芳積煙露碧窓松月無冬春冉客經過奠椒醑巫女南音歌激楚碧水冥空見鳥飛長天何處雲隨雨紅蕖綠蘋芳意多玉靈

蕩漾陵清波孤峯絕島儼相向鬼嘯猿啼垂女蘿皓雪
瓊枝殊異色北方絕代徒傾國雲沒煙銷不可期明堂
翡翠無人得精靈變態狀無方游龍宛轉驚鴻翔湘妃
獨立九疑暮漢女羨歌春日長始知仙事無不有可惜
吳宮空白首

馬明生遇神女歌

前人

學仙貴功工集作亦貴精神女變化感馬生石壁千尋啓
雙檢中有玉床鋪玉簟堂集作立之一隅不與言玉體安

穩三日眠馬生一立心轉堅知無丹白蒙哀憐安期先

生來起居請示金璫玉珮天皇書神女呵責不合見仙

子謝過手足戰大爪元棗冷如冰海上摘來朝暮凝賜

仙復坐對食了集作訖

領之使去隨雲升乃言馬生合不

死少頃姑勑教令付爾安期再拜將生出一授素書

天地一作畢

天上謠

李賀

天河夜轉杓回星銀浦流雲學水聲玉宮桂樹花未落

仙姿綵女

集作仙
妾採春

垂珮纓秦妃捲羅八方曉

集作簾
北懸曉

前食桐青鳳小王子吹簫鵝管長呼龍耕煙種瑤草粉

霞紅綬藕絲裙青洲步拾蘭苕春東指羲和能走馬海

雲

集作

初生石城

集作

下

朝上清歌

顧况

潔服朝上清綠景開紫霞皇皇紫微君左右皆靈娥曼
聲流睇和清歌些至陽無諼其樂多些旌蓋颭沓簫鼓
和些金鳳玉鱗鬱駢羅些反風名香香氣遐些瓊田瑤

草壽無涯些君着玉衣升玉車些欲降瓊宮玉女家些
其桃千年始著花些蕭寥天清而滅雲日瓊瓊兮情感
珮隨香兮夜聞蕭蕭兮愔愔啓天和兮洞靈心和為舟
兮雲為馬君乘之觴于瑤池之上兮三光羅列而在下

漢武帝雜歌三首

韋應物

漢武帝好神仙黃金作臺與天近王母海上摘桃集
上還
摘桃海
感之西過
一作遇
聊問訊
欲來不來
夜未央
殿前
青鳥先徊翔
綠鬢紫雲裙曳霧雙節飄颻不仙步白日

分明到世間碧空何處來時路玉盤捧桃將獻君踟蹰

未去留彩雲海水桑田幾翻覆此桃中間三四熟集作中間

此桃四五熟可憐穆滿瑤池讌正值花開不得薦花開子熟

集作安焉可期邂逅能當漢武時顏如芳花潔如玉心念

武我皇多嗜慾雖番桃核桃有靈人間糞土種不生由

來在道豈在藥徒勞方士海上行掩扇一言相謝去如

煙非煙不知處

二

金莖孤峙兮陵紫煙漢宮美人望杳然通天臺上月初
出承露盤中珠正圓珠可飲壽可求武皇南面曙欲分
從空將集作下來玉杯冷世間採翠亦作囊八月一日仙

人方仙人稱上藥集作方靜者服之恒綽約柏梁沉飲自

傷神猶聞駐顏八十春乃知甘醴集作酒又作釀

皆是腐腸物

獨有淡泊之水能益人千載金盤竟何處當時礪金恐
不固蔓草生來春復秋碧天何言空墜露

漢天子觀風自南國浮舟大江屹不前蛟龍索鬪風濤
黑春秋方壯雄武才彎弧叱浪連山開愕然觀者千萬
衆舉麾齊呼一矢中死蛟浮出不復靈舳艤千里江水
清鼓鼙餘響數日在天吳深入魚鼈驚左有佽飛落霜
翮右有弧兒貫犀革何為臨深親射蛟示威以奪諸侯
魄威蛟一作可畏皇可尊平田校獵書猶諫集作陳此日從
臣何不言獨一作猶有威聲振前集作干古君不見後嗣尊
為武

王母歌

李頤

武帝齋戒承華殿端拱須臾王母見霓旌照耀麒麟車
羽蓋淋漓孔雀扇手指元梨遣帝食可以長生臨寓縣
上元頭戴九星冠懶領玉童坐南面欲聞要言今告汝
帝乃焚香請此語若能練魄去三尸後當見我天皇所
顧謂侍女董雙成酒闌可奏雲和笙紅霞白日儼不動
七龍五鳳來相迎惜哉志驕神不悅歎息馬蹄與車轍
複道歌鍾杳將暮深宮桃李飛成雪但看青玉五枝燈

盤螭吐火光欲絕

玉華仙子歌

李康成

紫陽仙子名玉華珠盤承霞餌丹砂轉態凝情五雲裏
嬌顏千歲芙蓉花紫陽綵女紲疑無數遙見玉華皆掩
嫭高堂初日不成妍洛渚流風徒自憐瑤堦霓綺閣碧
題霜羅幕仙娥桂樹長自春王母桃花未嘗落上元夫
人賓上清深宮寂歷厭曾城解珮空憐鄭交甫吹簫不
逐許飛瓊溶溶紫庭步渺渺瀛臺路蘭陵貴士謝相逢

濟北書生尚迴顧滄洲傲吏愛金丹清心迴望雲之端
羽蓋霓裳一相識轉疑情寫念長無極長無極永相隨
攀霄歷金闕弄影下瑤池夕宿紫府雲母帳朝食元圃
崑崙芝不學蘭香中道絕却教青鳥報相思

王子喬行

高先生

仙化非常道其義出自然王喬誕神氣白日忽昇天曉
曖御雲氣飄颻乘長烟寄想崆峒外翱翔宇宙間七月
有佳節控鶴崇崖巔永與時人別一去不復還

元丹丘歌

李 白

元丹丘愛

集作好

神仙朝飲

集作水

之清流暮還嵩岑

之紫煙三十六峯長周旋長周旋躡星虹身騎飛龍耳

生風橫河矯

集作跨

海與天通我知爾心遊

集作遊心

無窮

學仙難

韋應物

昔有道士求神仙靈真下試心確然千鈞巨石一髮懸
卧之石下十三年存道忘身一試過名奏玉皇乃昇天
雲氣冉冉漸不見畱語子弟集作弟子但精堅

謫仙詞

見二百二十五卷

陳陶

僊人詞二首

小仙皆云十洲客
萼為衣雙耳白
清編遺我忽隱身
暮雨紅霞一千尺

二

赤城門開六丁直
曉日已紅一作燒 東海色朝天
半路聞

玉雞星斗離離礙
龍翼

文苑英華卷三百三十二

欽定四庫全書

文苑英華卷三百三十三 宋 李昉等 編

紀功

七德舞一首

城西行一首

平齊行二首

平蔡行三首

征戍

大漢行一首

老將行一首

兵車行一首

疲兵篇一首

古遊俠歌一首

木蘭歌一首

新豐折臂翁一首

紀功

七德舞

白居易

七德舞七德歌傳自武德至元和元和小臣白居易觀
舞聽歌知樂意樂終稽首陳其事太宗十八舉義兵白
旄黃鉞定兩京擒充戮竇四海清二十有四功一作王業

成二十有九即帝位三十有五致太平功成理定何神

速速在推心置人腹亡卒遺骸散帛收

貞觀初詔收天下陣死骸骨致

祭而瘞埋之俘擄者又散殘帛以購贖之

貞觀二年大饑人有鬻男女者詔出御庫金帛盡

贖之以還其父母魏徵夢見子夜

一作天子泣

魏徵疾亟太宗臺與徵別

既寤流涕是夜徵卒故御製碑云昔殷宗得良弼於夢中今朕失賢臣於覺後

張謹哀聞辰日

哭張公謹卒太宗為舉哀有司奏日子在辰陰陽所忌不可上言君臣義重如父子也情發於中安知辰日

遂哭怨女三千放出宮

太宗嘗謂侍臣曰婦人幽閉深

之慟

宮情實可憫今將出之任求伉儷於是令左丞戴胄給事中杜正倫於掖庭簡出數千人盡放歸

死囚四百來歸獄

六年上親錄囚徒放死罪者三百九十四人

歸家令明年秋米就刑應時悉至遂悉原之翦鬚燒藥

賜功臣李勣嗚咽思殺身

李勣嘗疾亟醫工云得龍鬚灰方可療太宗自翦鬚燒灰

助之服訖而愈勣叩頭涕泣而謝

含血吮瘡撫戰士思摩奮呼身

一作乞

効死

李思摩嘗中弩太宗親為之吮血

則知不獨善戰善乘時以心感

人人心歸爾來一百九十載天下至今歌舞之歌七德

舞七德聖人有作垂無極豈徒耀神武豈徒誇聖文太宗意在陳王業王業艱難示子孫

城西行

劉禹錫

城西簇簇三叛族叛者為誰蔡吳蜀中使提刀出禁來

九衢車馬轟成雷臨刑與酒杯未覆仇家百官先請肉
守吏能然董卓脣饑烏來覬桓元日城西人散太街平
雨洗血痕春草生

平齊行二首

前人

胡塵昔起薊北門河南地屬平盧軍貂裘代馬繞東岳
嶧陽狐桐削為角地形十二虜意驕恩澤含容歷四朝
魯人皆科帶弓箭齊人不復聞簫韶今朝天子聖神武
手握元符平九土初哀狂童襲故事文告不來方震怒

去秋詔下誅東平官軍回合猶嬰城春來羣鳥噪且驚
氣如壞山墮其庭牙門大將有劉生夜半射落撓搶星
帳中虜血流滿地門外三軍舞臂盟驛騎函首過黃河
城中無賊天氣和朝廷侍郎來慰撫耕夫滿野行人歌

二

泰山沉寇六十年旅祭不饗生愁烟今逢聖君欲封禪
神使陰兵來助戰妖氣一作氛掃盡河水清日觀杲杲卿
雲見開元皇帝東封時百神受職爭奔馳千鈞猛簒順

流下洪波涵淡浮熊羆侍臣燕公秉文筆玉檢告天無愧詞當今睿孫承聖祖岳神望幸河宗舞青門大道屬車塵共侍歲蕤翠華舉

平蔡行三首

前人

蔡州城中衆心死妖星夜落照壕水漢家飛將下天來馬箛一揮門洞開賊徒崩騰望旗拜有若羣蟄驚春雷狂童面縛登檻車大帛夭矯垂捷書相公從容來鎮撫常侍郊迎負文弩西人歸業閭里閒小兒跳浪健兒舞

二

汝南晨雞喔喔鳴城頭鼓角音和平路傍老人憶舊事
相與感激皆涕零老人收泣集作淚前致辭官軍入城人
不知忽驚元和十二載重見天寶承平時

三

九衢車馬渾渾流使臣來獻淮西囚四夷聞風皆失據
集作失筋天子受賀登高樓祚童擢髮不足數血污城西一
抔土南峯無火楚澤潤夜行不鑠穆陵關策勲禮畢天

下秦猛士按劔看恒山

時唯恒
山不庭

征戎

大漢行

胡皓

單于犯薊壘虜騎畧蕭邊南山木葉飛下地北海蓬根
亂上天蝌蚪連營太原道魚麗合陣武威川三軍遙倚
伏萬里相馳逐旌旆悠悠靜潮源鼙鼓喧喧動盧谷窮
微出幽陵子嗟倦寢興馬蹄凍溜石湖毳暖生冰雲沙
決漭天光閉河塞陰沉海色凝崆峒此國誰能託蕭索

邊心常不樂近見行人畏白龍遙聞公主愁黃鶴陽春
半歧路間瑤臺苑玉門關百花芳樹紅將歇二月蘭臯
綠未還陣雲不散魚龍水兩雪猶飛鴻鵠山嶂綿連那
可極路遠辛勤夢顏色北堂萱草不寄來東園桃李長
相憶漢將紛紜攻戰盈胡寇蕭條幽朔晶韓昌拜節偏
知送鄭吉驅旌坐見迎火絕煙沉在西極谷靜山空自
北平但得將軍能百勝不須天子築長城

老將行

王維

少年十五二十時步行奪取胡馬騎射殺山中白額虎
肯數鄴下黃鬚兒一身轉戰三千里一劍曾當百萬師
漢兵奮迅如霹靂虜騎崩騰畏蒺藜衛青不敗由天幸
李廣無功緣數奇自從棄置便衰朽世事蹉跎成白首
昔年飛箭無全目今日垂楊生左肘路傍時賣故侯爪
門前學種先生柳蒼集作茫古木連窮巷寥落寒山對
虛牖誓令踈勒出飛泉不似潁川空使酒賀蘭山下陣
如雲羽檄交馳日夕聞節使三河募年少詔書五道出

將軍試拂鐵衣如雪色聊持寶劔動星文願得燕弓射
大將耻令越甲鳴吾君

見劉說苑

莫嫌舊日雲中守猶堪一

戰取功勲

兵車行

杜甫

車辚辚馬蕭蕭行人弓箭各在腰爺娘妻子走相送塵
埃不見咸陽橋牽衣頓足攔道哭哭聲直上千雲霄道
傍過者問行人行人但云點行頻或從十五北防河便
至四十西營田去時里正與裏頭歸來頭白還猶
集作戍

邊遙庭流血成海水

武我集作

皇開邊意未已君不聞漢

家山東二百州千村萬落生荆杞

縱有健婦把鋤犁禾

生隴畝無東西况復秦兵耐苦戰

被驅不異犬與雞長

者雖有問役夫敢伸恨且如今年冬

未休關隴集作西卒

縣官急索租租稅從何出信知生兒惡

反是生女好生

女猶得集作是嫁比隣生兒埋沒隨百草君不見青海頭

古來白骨無人收新鬼煩冤舊鬼哭

天陰雨濕聲悲集作

啾啾

疲兵篇

劉長卿

驕虜乘秋下薊門，陰山日夕煙塵昏。
三軍疲馬力已盡，百戰殘軀一作兵功未論。

陣雲決漭屯塞北，羽書紛紛來不息。
孤城望處曾斷腸，折劙看時可霑臆。
元戎日夕且歌舞，不念關山久辛苦。
自矜倚劙氣凌雲，却笑聞笳淚如雨。
萬里飄飄空此身，十年征戰老胡塵。
赤心報國無片賞，白首還家有幾人。
朔風蕭蕭動枯草，旌旗獵獵榆關道。
漢月何曾照客心，胡笳只解催人老。
軍前仍欲破關道，漢月何曾照客心。

重圍閨裏猶應愁未歸小婦十年啼夜織行人九月憶
寒衣飲馬滹河集作沱晚更清行吹羌笛遠歸營只恨漢
家多苦戰徒令遺鏹滿長城

古遊俠歌

見三
百卷

崔顥

木蘭歌

韋元甫

郭茂倩樂府不知
名韋元甫續附入

唧唧何力力

或作歷歷樂府作唧唧復
唧唧注作促織何唧唧

木蘭當戶織不

聞機杼聲唯聞女歎息問女何所思問女何所憶女亦

無所思女亦無所憶昨夜見軍帖可汗大點兵軍書十

二卷卷卷有爺名阿爺無大兒木蘭無長兄願為市鞍
馬從此替爺征東市買駿馬西市買鞍轄南市買轡頭
北市買長鞭旦辭爺娘去暮宿黃河邊不聞爺娘喚女
聲但聞黃河流水鳴濺濺旦辭黃河去暮至一作宿黑山

頭不聞爺娘喚女聲但聞燕山胡騎鳴啾啾萬里赴戎
機關山度若飛朔氣傳金柝寒光照鐵衣將軍百戰死

壯士十年歸歸來見天子天子坐明堂策勲十二轉賞

賜

一作物

百千強可汗欲與木蘭官

一作又

汗問所欲

不

用尚書郎願得鳴

一作借明

駕千里足

一作千里足

送兒還故

鄉

爺娘聞女來出郭相扶將阿姊聞妹來當戶理紅妝

小弟聞姊來磨刀霍霍向猪羊開我東閣門坐我西閣

床脫我戰時袍着我舊時裳當牕理雲髮

一作鬢

挂

一作對

鏡帖花黃出門看火伴火伴驚忙忙

一作始驚忙

同行

十二年不知木蘭是女郎雄兔腳撲搘

一作朝

雌兔眼彌

一作迷離雙兔傍地走安能辨我是雄雌

新豐折臂翁

白居易

新豐老翁八十八頭鬢眉鬚皆似雪元孫扶向店前行

右集作左臂憑肩

右集作右臂折

問翁臂折來幾年兼問致

折何因緣翁云貫屬新豐縣生逢世代無征戰唯聽驪

宮歌吹聲

集作圓歌管聲聽梨

不識槍旗

集作旗槍

與弓箭無何天

寶大徵兵戶有三丁點一丁里胥驅向

集作點驅

何處去五

月萬里雲南行

集作傳聞

道雲南有瀘水椒花落時瘴煙

起大軍徒涉水如湯未戰

集作過

十人二三死村南村北

哭聲悲

集作哀

兒別爺娘夫別妻皆云前後征蠻者千萬

人行無一迴是時翁年二十四兵部牒中有名字夜深
不敢使人知自把

集作偷將

大石槌

集作鉗

折臂張弓簸旗俱

不堪從茲始免征雲南骨碎筋傷非不苦且圖揀退歸

鄉土此臂折來六十年一肢雖廢一身全至今風雨陰

寒夜猶

集作直

到天明痛不眠痛不眠終不悔所

集作且

喜

老身今獨在不然當時瀘水頭身死魂孤

集作飛

骨不收

應作雲南望鄉鬼萬人塚上哭呦呦

雲南有萬人塚即鮮于仲通等覆軍

人之所老人言君聽取何

集作君

不聞開元宰相宋開府不

賞邊功防黷武

開元初突厥數寇邊時天武軍牙將郝靈荃出使因引特勒迴鶻部落斬突厥

默啜獻首闕下自謂有不世之功時宋璟為相以天子年少好武恐邀功者生心痛抑其賞逾年始授郎將靈荃遂慟哭

脣血而死又不聞天寶宰相楊國忠欲求恩幸立邊功

邊功不

集作未

立生人怨請問新豐折臂翁

天寶末楊國忠為相重構

閻羅鳳之役募人討之前後發三十餘萬衆去而無反者後又捉入連枷赴役天下怨哭人不聊生故祿山得乘人心而盜天下元和初折臂翁猶存因備歌焉

欽定四庫全書

集部

文苑英華卷三百三十九
四至

詳校官庶吉士臣柳邁祖
助教臣常循覆勘

總校官進士臣朱鉉

校對官中書臣王鍾泰

謄錄監生臣李濂

欽定四庫全書

文苑英華卷三百三十四

宋 李昉等 編

音樂上

方響二首

鍾一首

磬二首

琴七首

第四首

琵琶三首

方響歌

李 沈

敲金扣石聲相陵遙空冷靜天正澄寶瓶下井轆轤急
小娃弄索傷清冰穿絲透管音未歇迴風繞指驚泉咽

季倫怒擊珊瑚推靈芸

王子年拾遺薛靈芸魏文帝美人也

整鬢步搖折

十六葉中侵索光寒玲震月雜珮璫雲和不覺羅餘怨
蓮峯一夜啼琴姜急節寫商商恨促秦愁越調逡巡足
夢入仙樓憂殘曲飛霜稜稜上秋玉

同前

牛父

樂中何樂偏堪賞無過夜深聽方響緩擊急擊曲未終
暴雨飄飄生坐上鏗鏗鏘鏘寒重重盤渦蹙派鳴蛟龍
高樓漏滴金壺水碎雹打著山寺鍾又似公卿入朝去

環珮鳴玉長街路忽然碎打入破聲石崇推倒珊瑚樹
長短參差十六片敲擊宮商無不遍此樂不教外人聞
尋常只向堂前宴

聽鍾歌

梁豫章王蕭綜

聽鍾鳴當知在帝城西樹隱落月東牕見曉星霧露朏
朏月分明烏啼啞啞已流聲驚客思動客情客情客思
爵縱橫翩翩孤鴈何所栖依依別鶴夜半啼今歲行已
暮雨雪尚淒淒飛蓬旦夕起楊柳尚翻低氣鬢結涕滂

沱鄉思無所托強作聽鍾歌

華原磬

天寶中始廢泗濱磬用華原石代之詢諸磬人具言其故一長老云泗濱磬下

調不能和得華原磬考之乃和由是不改

白居易

華原磬華原磬古人不聽今人聽泗濱石泗濱石今人
不擊古人擊古人今人集作今人古人何不同用之捨之由樂
工樂工雖在耳如璧不分清濁即為聾梨園弟子調律
呂知有新聲不如古古稱浮磬出泗濱立辨致死聲感
人宮懸一聽華原石君心遂忘封疆臣果然胡寇從燕

起武臣少肯封疆死始知樂與時政通豈聽鏗鏘而已
矣磬裏入海去不歸長安市兒人集作人為樂師華原磬與
泗濱石清濁兩音集作聲誰得知

慈恩寺石磬歌

盧綸

靈山石磬生海西波海集作濤平處與山齊長眉老僧同
佛力呪使鮫人徃求得珠穴沉成綠浪痕天衣拂盡蒼
苔色星漢徘徊山有風禪翁靜扣月明中群仙下雲龍
出水鸞鶴交飛半空裏山精木魅不可聽落葉秋砧一

時起梵宮香散

集作杳杳

響泠泠無數沙門昏夢醒古廊燈

下見行道蹤柳池邊聞誦經徒使

集作壯

洪鍾秘高閣萬

金費盡工雕鑿豈如全質挂青松數葉殘雲一片峯吾

師寶之壽中國願同却石無終極

送尹補闕元凱琴歌

張說

見本集

鳳哉鳳哉琢琅玕飲瑤池棲崑崙之山哉中國有聖人
感和氣飛來飛來自歌自舞先王冊府麒麟之臺羈雌
衆雛故山曲其鳴喈喈其鳴喈喈欲往銜之欲去未去

別鸞鷺似徘徊似徘徊明年阿閣梧桐花葉開羣飛鳳
歸來羣飛鳳歸來

雅琴篇

司馬逸客

亭亭嶧陽樹落落千萬尋獨抱出雲節孤生不作林影
搖綠波水彩絢丹霞岑直幹思有托雅志期所任匠者
果畱盼彤斲為雅琴文以楚山玉錯以昆吾金虬鳳吐
奇狀商徵含清音雅調感君子一撫一弄懷知已不見
鍾期百年餘還憶朝朝幾千里馬卿臺上應蕪沒阮籍

帷前空已矣山情水意君不知拂匣調絃為誰理調絃
拂匣倍含情況復空山秋月明隴水悲風已嗚咽離鶗
別鶴更淒清將軍塞外多奇操中散林間有正聲正聲
諧風雅欲竟此曲誰知者自言幽隱乏先容不道人物
知音寡誰能一奏和天地誰能再撫歡朝野朝野歡娛
樂未央車馬駢闊盛彩章歲歲汾川事簫鼓朝朝伊水
聽笙簧窈窕樓臺臨上路妖嬈歌舞出平陽彈絃本自
稱仁祖吹管由來許季長猶憐雅歌淡無味綠水白雲

誰相貴還將逸調賞幽心不覺繁聲論遠意傳聞帝樂
奏鈞天儻冀微躬備五絃願持東武宮商韻長奏南薰
億萬年

宜城放琴客歌 并序 顧况

琴客宜城愛妾也宜城請老愛妾出嫁不禁人之欲而
私耳目之娛達者也况承命作歌

佳人玉立生此北一作方家住耶鄖不是倡頭髻鬟鬢手

爪長善撫琴瑟有文章新妍籠裙雲母光朱絃綠水喧

洞房忽聞斗酒初決絕日暮浮雲古離別巴猿啾啾峽
泉咽淚落羅衣顏色暘不知誰家更張設絲履牆偏釵
股折南山闌千千丈雪七十非人不暖熱人情厭薄一作
消古共然相公心在持事堅上善若水任方圓憶昨好
之今棄捐服藥不如獨自眠從他更嫁一少年

琴歌

趙搏

綠琴製自桐孫枝十年牕下無人知清聲不與衆樂雜
所以屈受塵埃欺七絃脆斷蟲絲朽辨別不曾逢好手

琴聲若似琵琶聲賣與時人應已久玉徽冷落無光彩
堪恨鍾期不相待鳳嚬吟幽鶴舞時撚弄蟬搊聲亦在
向曾守貧貧不徹賤價與人人不別前迴忍淚却收來
泣向秋風兩條血乃知凡俗難可名輕者却重重者輕
真龍不聖土龍聖鳳凰啞舌鷗梟鳴何殊此琴哀怨苦
寂寞沉埋在幽戶萬重山水不肯聽俗耳樂聞人打鼓
知君立身待分義驅喝風雷在平地一生從事不因人
健闕窄雲皆自致不辭重拂絃上塵市塵不買多讒人

莫辭憔悴與買取為君一曲號青春

聽董庭蘭彈琴兼寄房給事

文粹作聽董大彈
胡笳聲兼語弄寄

房給事

李頤

蔡女昔造胡笳聲一彈一十有八拍胡人落淚向邊草

漢使斷腸對歸客古戍蒼蒼烽火寒大荒陰沉飛雪白
先拂商絃後角羽四郊秋葉驚槭槭董夫子通神明深

沉文粹作山竊聽來妖精言遲更速皆應手將往復還

文粹作旋

如有情空山百鳥散還合萬里孤雲閒且清

文粹作浮雲陰且明

悽

文粹
作嘶

酸離鴈失羣夜斷絕胡兒戀母聲川為靜其波

鳥亦罷其鳴烏珠部落家鄉遠邇沙塵哀怨生幽音
變調忽飄灑長風吹林雨墮瓦迸泉颯颯飛木末野鹿
呦呦走堂下長安城連東掖垣鳳凰池對青瑣門高才
脫略名與利日夕望君抱琴至

琴歌送別

前人

主人有

一
飲

酒歡今夕請奏鳴琴廣陵客月照城頭烏

半飛霜淒高樹風入衣銅鑪華燭燭增輝初彈綠水後

楚妃一聲似動物皆靜四座無言星欲稀清懷奉使千
餘里敢告雲山從此始

聽從叔琴彈三峽流泉歌

李季蘭

妾家本住巫山雲巫山流泉

郊茂倩樂府作水

常自聞玉琴彈

出轉寥夐直似當時夢中聽三峽迢迢幾千里一時流

入幽閨裏

樂府作深閨裏文粹作幽閨裏

巨石崩崖指下生飛波走

文粹

作遠浪紋中起初疑噴怒

樂府作湧

含雷風又似嗚咽流不通

迴湍曲瀨勢

文粹作意

將盡時復滴瀝平沙中憶昔阮公為

此曲能使仲容聽不足一彈既罷還一彈願似文粹

作比

流

泉鎮相續

李湖州孺人彈箏歌

顧况

武帝昇天畱法曲淒情掩抑絃柱促上陽宮人一作女

一作愁

怨

青苔此夜想夫憐碧玉思婦高樓刺壁窺一作看愁猿叫

月鶲呼兒寸心十指有長短妙入神處無人知獨把梁

州丸幾拍風沙對面胡秦閣聽中忘却前溪碧醉後猶

疑邊草白

鄭女彈箏歌

鄭女八歲能彈箏春風吹落天上聲一聲雍門淚承睫
兩聲赤鯉露鬢鬟三聲白猿臂拓頰鄭女出參丈人時
落花惹斷遊空絲高樓不掩許聲出羞殺百舌黃鸝兒

宴席賦得姚美人擣箏歌

美人曾
在禁中

盧綸

出簾仍有細箏隨見罷翻令恨識遲微收皓腕纏紅袖
深遏朱絃低翠眉忽然高張應繁節玉指迴旋若飛雪

鳳簫龍管寂不喧繡幕紗窓儼秋月有時輕弄和郎歌
慢處聲遲情更多已愁紅臉能佯醉又恐朱門難再過
昭陽伴裏最聰明出到人間纔長成遙知禁曲難翻處
猶自君王說小名

觀李中丞美人輶箏歌

時量移湖
州長史

釋皎然

君家雙羨姬善歌工箏人莫知輶用蜀竹絃楚絲清哇
宛轉聲相隨夜靜酒闌佳月前高張冰引仍一作何淵淵

羨人矜名曲不誤蹙響時時如迸泉趙瑟素所嘉齊謳世稱絕箏歌一動凡音輒凝絃且莫停金罍聲已闋雅聲來游魚喫鳴鶴徘徊主人高情始為開高情放浪出常格偶世有名道無跡勲業先登上將科文章首冠諸人籍每笑石崇無道情輕身重色禍亦成君有佳人當禪伴於中不廢學養生愛君天然性寡欲家貧祿薄常知足謫宦無慍如古人交道忘言比前躅不意全家萬里來湖中再見春山綠吳興公舍幽且閑何妨寄隱在

其間時議名齊謝太傅更有携妓似東山

劉禪奴彈琵琶歌

感相國
韓公臺

顧况

樂府只傳橫吹好琵琶寫出關山道羈鴈出塞繞黃雲
邊馬仰天嘶白草明妃愁一作怨中漢使迴蔡琰愁處胡笳哀鬼神知妙欲收響陰風切切四面來李陵寄書別

蘇武自有生人無此苦當時若值霍驃姚減盡烏孫奪

公主

琵琶引

并序

白居易

元和十年予左遷九江郡司馬明年秋送客溢浦口聞
舟中夜彈琵琶者聽其音鏗鏘然有京都邑集作聲問其

人本是長安倡女嘗學琵琶於穆曹二善才年長色衰
委身為賈人婦遂命酒使快彈數曲曲罷憫然集作默

叙少小時歡樂事今漂淪憔悴轉徙於江湖間予出官
二年恬然自安感斯人言是夕始覺有遷謫意因為長
句歌以贈之凡六百一十六言命曰琵琶引

潯陽江頭夜送客楓葉荻花秋瑟瑟主人下馬客在船

舉酒欲飲無管絃醉不成歡慘將別別時茫茫江浸月

忽聞水上琵琶聲主人忘歸客不發尋聲暗問彈者誰

琵琶聲停欲語遲移船相近邀相見添酒迴燈重開宴

千呼萬喚始出來猶把一作抱琵琶半遮面轉軸撥弦三

五集作兩聲未成曲調先有情絃絃掩抑聲聲思似訴平

生不得志低眉信手續續彈說盡心中無限事輕攏慢

撚抹復挑初為霓裳後綠腰集作六公從俗大絃嘈嘈如急雨

小絃切切如私語嘈嘈切切錯雜彈大珠小珠落玉盤

間關鶯語花底滑幽咽泉流水一作水下灘冰泉冷澁絃

凝

集作疑

絕

集作疑

不通聲暫歇別有幽情

集作愁

暗恨

生此時無聲勝有聲銀瓶乍破水漿迸鐵騎突出刀鎗

鳴曲終收撥當心畫四絃

集作見

一聲如裂帛東船西舫悄無

言唯有

集作見

江心秋月白沉吟放撥挿絃中整頓衣裳

起歛容自言本是京城女家近

集作在

蝦蟆陵下住十三

學得琵琶成名屬教坊第一部曲罷曾教善才伏妝成
每被秋娘妬五陵年少爭纏頭一曲紅綃不知數鈿頭

雲篦擊節碎血色羅裙翻酒汙今年歡笑復明年秋月
春風等閒度弟走從軍阿姨死暮去朝來顏色故門前
冷落鞍馬稀老大嫁作商人婦商人重利輕離別前月
浮梁買茶去去來江口守空船遙船月明江水寒夜深
忽夢少年事啼粧淚落集作夢
啼粧淚紅闌干我聞琵琶已嘆
息又聞此語重唧唧同是天涯淪落人相逢悲集作
曾相識我從去年離集作解帝京謫居卧病潯陽城潯陽
小處無音樂終歲不聞絲竹聲住近湓江地低濕黃蘆

苦竹遶宅生其間旦暮聞何物杜鵑啼哭猿哀鳴春江
花朝秋月夜往往取酒還獨集作自傾豈無山歌與村笛

嘔啞嘲哳難為聽今夜聞君琵琶語如聽仙樂耳暫明
莫辭更坐彈一曲為君翻作琵琶行感我此言良久立
却坐促絃絃轉急淒淒不似向前聲滿座重聞皆掩泣
就中泣下一作淚誰最多江州司馬青衫濕

琵琶行

牛父

何人斲得一片木三尺春冰五音足一彈決破真珠囊

迸落金盤聲斷續飄飄颻颻寒丁丁蟲豸出蟄神鬼驚
秋鴻叫侶代雲黑猩猩夜啼蠻月明滴滴汨汨聲不定
胡離學漢語未正苦似長安月蝕時滿城敲鼓聲囁囁
青山飛起不壓物野水流來欲濕人傷心憶得陳後主
春殿半酣細腰舞黃鸝百舌正相呼玉樹後庭花帶雨
二妃哭處山重重二妃沒後雲溶溶夜深霜露鎖空廟
零落一叢斑竹風金谷園中草初綠石崇一弄思歸曲
當時二十四友人手把金盃聽不足又似賈客蜀道間

千鐸萬磬鳴空山未若此調呦呦兮啁啁嘈嘈兮啾啾
引之於山獸不能走吹之於水魚不能遊方知此藝不可有人間萬事憑雙手若何為我再三彈送却花前一樽酒

文苑英華卷三百三十四